

مجموعه سنون

از

جمعیت علمیه عثمانیه

اوچنجی سنده

نومرو ۲۶

صفر

سبع الاخر

استانبول

جمعیت علمیه عثمانیه مطبعه سنده طبع اولمشدر

۱۲۸۱

(سویس جدولی) (مابعد نومرو ۲۵)

بالاده بیان اولندیغی اوزره اقدن ایله بحر احمر بیننده سیر سفائنه قابل بر جدول کشادینی ازمنه قدیمه دنبرو ملوک مصریه دن واوراده حکومت ایدن اجنبی حکمدارانندن پک چوغی تصور ایتمش و فقط بحرینک سطحی غیر مساوی ظن اولمنسته مبنی طوغریدن طوغرییه یعنی بر خط مستقیم اوزره برلشدیرلرینه تشبث اولنیمسوب نیل واسطه سیله برقاج دفعه قوه دن فعله کتورلمش ایکن خطه مصریه ده سرزده ظهور اولان محاربات و انقلابات جهتیله متروک و مسدود قالدیغی مثللو دفعه اخیرده دخی پولتیقه جه بعضی مطالعات واهییه مبنی قصد اشد اولمنشدر.

مشاهیر مؤرخین یونانیه دن هر دو توسک قولنه کوره بحر بن مذکورینک برلشدیرلسته الک اول ملوک مصریه دن پسامتیقوسک اوغلی نیقوس تشبث ایتمش و فقط اکالنه موفق اوله میدرق ایرانلور مصری فتح ایتدکن صکره برنجی دارا زماننده ختامپذیر اولمشدر. جدول مذکورک طولی سفینه ایله درت کونده قطع اولنوب عرضی دخی اوج صره کورکلی ایکی کی مرور ایده چک وسعتده ایدی. مبدائی نیلک ایکی یه منقسم اولدیغی محاسده واقع بو یاست شهرنده اولوب اول

غریبند شرقه طوغری جریان و طاغلرک ارازدن مر ورا یدرک پاتوموس
جوارنده بحر اجره منتهی اولورایدی . سالف الذکر نیقوس زماننده
بونک حفرنده یوز بکرمی بیک ادم تلف اولمشدر . ملک مشار الیه
شوتشبی حقنده هاتفی استجواب ایتدکده ملل وحشیه ایچون
چالبشورسن نداسی کلمسی اوزرینه انشاسندن فراغت ایلمشدر .

کذلک مؤزحیندن سچلیالو دیونورک قولنه نظراً بعض مهندس لر
مصرک زمینی بحر اجرک سطحندن الحق ارلوب جدول اچیلدیغی
حالده مصری صوباً صردیماریله دارا دخی حفرینی اکال ایتدک
ترک ایلش و ایکنجی بطلیوس جدولک مناسب محللارنده مرور
اولنه جنی وقت اچیلور و درعقب قانور صورتده سد لر یاپه رق
و بو وجهله محذور مذکورى دفع ایدرک اتمام ایلمشدر .

سترابون نام مؤرخ دخی سوسی جدولنی الک اول ترواذا محاربه
مشهوره سندن مقدم ملوک مضریه دن سیر و ستریس حفر ایتدیرمش
اولدیغنی بیان و بعضلرینک دخی بونی اوغلی پسامتی قوسه اسناد
ایلدکلرینی علاوه اتیان ایتمشدر . دارا دخی براز اوغراشوب ختامه
تقرب ایلش اولدیغنی حالده برمنوال محرر کویا بحر اجرک سطحی
مصرک زمینندن مرتفع اولدیغندن جدول اچیلدیغنی حالده مصری صو
باصه جنی حقنده بعض مهندس لرک افادات واقعه سنه اعتماد ایله ترک
ایلمشدر بعده بظالمه جدولی اکال و نیل ایله بحر اجره ییتنده بالسهموله
سیرسفائنه قابل اوله جنق صورتده بعض بندلر انشا ایتدیلر . سالف
الذکر سترابونک قولنه کوره اشو جدولک عرضی یوز ارشون اولوب
عمق دخی اول وقتک الک جسیم سفینه سی مرورینه مساعد بولنمشدر .
اشبو جدول مارالبیان بو یاست شهرندن بدأ ایدرک بحر اجره

منتهی اولور ایدی . فقط پلین نام مؤرخ جدولی ایکنجی بطلمیوس
 ایچی کولره قدر حفرایتدیروب اوراده بحر احرک اراضی مصریه دن
 اوج ارشون مرتفع اولدیغی خبر ویرلسی اوزرینه اتمامدن صرف
 نظر ایلدیکنی بیسان ایتمش و بعض مؤلفلر دخی نیل ایله بحر احر
 برلشیدیرلدیکی حالده نیل صوی نیل یلور مطالعہ سنہ منی ترک
 اولند یغنی ادعا ایلمشدر . شو حالہ نظر ا ازمنہ قدیمہ دہ نیل ایله
 بحر احر بینندہ بولنان جدول فراغتہ و ملوک عجم و بطالمہ
 زمانہ نرنده نیلک دمیاط قولندن بر شعبہ اولدیغی اکلاشیلوب فقط
 الیوم دخی منزله کولنہ طوغری ممتد بر جدولک اٹاری مشہود
 اولدیغندن الک قدیم جدول دلسادن بدأ ایدوب بو دخی نیقوسک
 انشا کردہ سی اولسی ملحوظندر .

ملک مشار الہک اخلافی دخی سائرلی کی بحر احر سطحک مرتفع
 اولسندن خوف ایدرک انشاسنہ مباشرت ایتمش اولدقلری جدوللرک
 باشنی دہا یوقاریدن طوتدیر مشلروینہ بو ملاحظہ یہ منی بعدہ
 رومالورک و خلفسای عباسیہ نک انشاسنہ مبادرت ایتمش اولدقلری
 جدولک مبدائی دہا یوقاری یہ کوتورلمش و بونک اٹاری الی یوہ تاہذا
 اسکی مصر دہ موجود بولمیشدر .

روایات مشروحہ دن استنباط اولنہ جغی و جہلہ جدول مذکور
 ختام پذیر اولمشکن متعاقباً مصر دہ وقوعہ کلان محاربات و انقلاباتہ
 منی متروک قالمش اولسی اغلب احتمال اولوب فقط صکرہ بحر احر
 صوی نیل ایله قارشماتق اوزرہ بندلر انشاسیلہ دہا مکمل صورتہ
 انشا اولندیغی محققدر .

رومالور و بعدہ عربلر دخی بین البحرین نیل واسطہ سیلہ جدول

کشاد ایتمشدر. مشاهیر مؤلفین اسلامدن فرغایتیک بو بایده
اولان روایتی بروجه آتی درج و بیان قنور.

یابل مصردن مرور ایدن طراجان نهری مؤخرأ جدول امیرالمؤمنین
تسمیه اولوب فسطاطدن جریان ایدن جدولدر. زیرا فتح مصر
تاریخنده مسطور اولدیغی اوزره جدول مذکور حین
فتحده قوم ایله مسدود اولوب اول انشاده حرمین شریفینه
حظ و غلامستولی اولدیغندن اوراره ذخائر نقلیچون جدول
مذکورک تطهیر و کشادینی حضرت عمر الفاروق رضی الله عنه
امر ایلدی.

مؤرخ مشهور مقریزنیک دخی بو بایده اولان روایتی بروجه آتی درج
و بیان قنور. دفعه ثانیه اولیق اوزره جدولی حفر ایتدین
ایمپراطور ادرین اولوب ملک مشارالیه کرک روما ایمپراطورلندن
طراجانک زمانده بدأ اولمش اولان جدولی اکال ایتمش اولسون
کرک مستقلا کندوانشا ایلمش اولسون مصرده سالف الذکر
طراجاندن زیاده اثار جسمیهیه موفق اولمشدر. مؤرخیندن شمس الدینک
قولنه نظراً قاهره دن بدأ ایله انشا اولمش اولان جدولی
قدماى ملوک مصریه دن تارسبس بن مالایا انشا ایلمشدر. حضرت
ابراهیم علیه السلام ملک مشارالیه زمانده مصره کلمشدر. مذکور
جدول سویش جوارندن مرور ایله قلزم شهرینه قدر کلوب اوراده
دکزه منصب اولور ایدی. حبوبات یو کلی سفائن اشبو جدول
واسطه سیله بحر احمره کیدرایدی. حضرت عمر بن الخطاب رضی
الله عنه اشبو جدولی تطهیر و اصلاح ایدوب اولوقدنبرو
امیر المؤمنین جدولی تسمیه اولندی. خلفای عباسیه دن ابوجعفر المنصور

زمانه یعنی هجرتك يوز الى طقوز تاريخه كلنجيه قدر متماديا يوز
الى سنه ايشايوب بعده خليفه مشاراليه جدول مذكورك قارم (بحر
احمر) دكرنده اولان بوغازي سيدي ايتديردى . اشو جدول فسطاط
(اسكى مصر) شهرينك خارجنده بدأ ايدوب قاهره نك جانب
غريبسندن مرور ايدر ايدى . حضرت اسماعيلك والده سى هاجر
مكه مكرمه ده اقامت ايلديكى ائاده جدول مذكورى ملوك
مصريه دن بريسى مومى اليها ايچون انشا ايتديرمشدر . بعده
اسكندر ك وفاتنى متعاقب مصرده حكومت ايدن ملوك يونانيه دن
بريسى دى دفعه ثانيه اولق اوزره حفر ايتديرمشدر . ظهور
اسلامده عمرو بن العاص مصرى فتح ايتدكده حضرت عمر
رضى الله عنك امريله بر طاعون سنه سنه تظهير و اصلاح
وبحر احمره قدر تمديد اولدى . بو طريق ايله سفائن مصردن
حجاز و يمن و هندستانه كيدر ايدى . اشو جدول مدينه
منوره ده محمد بن ابى طالبك ابو جعفر المنصور عليه نه عصيان
ايتديكى وقتده قدر پايدار اولوب اول ائاده خليفه مشار
اليه مصردن مدينه يه ذخائر نقلتك منعى ضمننده جدول
مذكورك قبادلسنى مصرده بولان قائم مقامنه امر ايلدى . اشو
امر انفاذ اولته رق اولوقدن شمدى يه قدر بحر احمرله نيل يئنده
سفائن آمد شدى بالكلية منقطع اولدى (تاريخ تحرير سنه ۸۳۹)
تاريخ و جغرافيه ده مؤلفات معتبره صاحبي ابو الفدا نك دى بوماده
حقده رقرن تحقيق اولديغى اوزره بحر سفيده ساحلنده پلوس
شهرينك جانب شرق بسنده واقع فرما شهريله بحر احمر يئنده
بالكزيتمش ميل مسافه اولوب بو دى بحر ين سطحده مساوى دوز

صحرا دن عبارت اولمغه عمرو بن العاص اشبوا یکی دکرک نیل صوی
ایله مملو بر خلیج ایله برلشدیرلسنی تصور ایلدی . فقط حضرت
عمر طائفه رومک بو طریق ایله بحر احره تسلطلری وقوعندن احترازاً
اولبایده موافقت کوسترمدی . بونک اوزرینه عمرو بن العاص بشقه بر
تدبیره تشبث ایلدی شویله که طراجانوس امنیس اسمنده بابل مصر
جوارندن مرور ایدر بر قدیم جدول وار ایدی که ایمپطور ادرین
البوم بلیس دینلان فار بوتس نام محله قدر تمدید ایلشیدی . اشبو
جدول وقتیه نیقوسک انشاسنه شروع ایدوب دارا بن کشتاسبک
حفرینه دوام ایلدی یکی دیگر بر جدول ایله محمل مذکوره ملاقی
اولوب بونلر بر کوچک اجی کوله مناصب اولورلر ایدی .

بطلموس فیلادلف مذکور کولدن اوتنه سنه بر جسیم جدول اچهرق
الیوم سویس شهرینک واقع اولدیغی کورفرینک نهایتنده کائن قلئو پاتریس
شهرینه قدر صوی اجرا ایلشیدی . اشبو جدول مشهور
قلئو پاتر زماننده قوم ایله طولهرق بالکلیه متروک قالشیدی . عمر بن
العاص بحر احره سطحینک مصرک زمیندن مرتفع اولسی حقنده
متواتر اولان توهماته الدائمهرق محصولات مصریه نک بحر احره
سواحلینه بالسهوله نقلی ضمننده جدول مذکوری تکرار کشاد ایلدی
الیوم قاهره نک دروندن مرور ایدوب خلیج تسیمه اولنان جدول
دخی بودر . فقط شمسی یالکزن شعیب اسمنده بر کوچک کوله منتهی
اولوب بحر احره قدر اولان باقبسی مسدود ومع مافیه اناری
مشهوددر .

الیوم دخی سویس کورفرینک نهایتنده دکرک صوینک طاتلی صو ایله
اختلاطنک منعیچون وقتیه انشا اولمش برطاقم ابنیه اناری موجوددر .

اشبوابینه بر درجه متین و مستحکم در که قیا پارچه سی ظن اولنور.
بر زخ بویجیه دخی یدی سکن محبندیده طوبراقدن سدر موجود
اولوب بونلرک بعضی زمیندن التی متروقدنمر تفعدراشبو سدر دن
بشق اولحوالیده کرک جدول اعمالاته و کرک عمله نک تحصیل لوازماته
مخصوص انشا اولنش بعض ابینه آثاری مشاهده اولنور.

سلاطین عثمانیه دن سلطان مصطفای ثالث حضرتلری دخی سویش
جدولنک کشادینی تصور و اولوقت در سعادتده فرانسه دولتی
سفیری بولنان موسیوتوت و مصرده سیر و سیاحت ایتش اولان
سائر ذوات ایله مذاکره ایدرک اولیابده معلومات و افیه استحصا
ایتش و حتی سفیر مومی ایله معرفتیه بر قطعه خریطه سنی تنظیم
ایتدیروب اجراسنی وقت صلحه تعلیق ایلشیدی.

ناپولون دخی ۱۲۱۴ سنه سنده خطه مصریه یه وضع قدم استیلا
ایلد کده سویش جدولنک کشادینی تصمیم و اولیابده تحقیقات
لازمه نک اجراسیچون رفاقتنده بولنان ارباب معارفدن مر کب بر
قومبسیون تعیین ایدوب اشوقومبسیون مأ موریتنی ایفا و اولیابده
تنظیم ایلدیکی مضبطه یی مشار الیهک فرانسه یه عودتی اثنا سنده
کندوسنه تقدیم ایلد کده بو بر امر عظیمدر بونی شمیدی اجرایه
بنم وقت وحالم مساعدد کدر فقط بر کون اولور که دولت عثمانیه کندو
بقا و شوکتی شونیتک اجراسنه متوقف اولدیغنی فهم ایدر
دیدیکی مشهوردر.

مصر والسی اسبق متوفی محمد علی پاشا دخی جدول مذکور
کندو مصارفیه انشا ایلکی تصمیم ایتش ایسه ده بونک اجراسی
اول امرده بین الدول موافقت حصواته متوقف اولدیغنی بعض

طرفدن کندوسنه افاده اولمیش واسیو موافقتک استعصالی دخی
وعد قلمش اولدیغندن وعد مذکورک انجاسینه انتظاراً شو
نیتک اجراسنه مباشرت ایلاه در.

(منیف)

(صربستان تاریخی) (ما بعدنومر ۲۲)

روسیه دولتی ایسه میلوش بکک حرکت مشروحه سنی کندو
پولیتقه سنک ترویجنه سررشته اتخاذا ایدرک دولتیله متفقاً کیفیتی
رسماً باب عالییه اشعاروصرپلوره بو قدر صربستاک ویرلسی
طرفین حقنده دخی مضر اولدیغندن بمثله قونستیتوسیونک فسخ
ایتدیرلسنی طلب ایتش و واقعا میلوش بکک خط همایون احکامنی
هنوز تماماً ایفا ایتکسزین صرپلوره انکلیززدن زیاده صربستاک
ویرمکه قالمشیمی نزد دولت علیه ده دخی تنسیب بیورلماش اولغله
مترتب عهدۀ تابعیتی اولان وظائفک اجراسندن انحراف الیامسی
کندوسنه امر و تأکید اولندیغندن وقونستیتوسیونک سؤنا ثیراتی دخی
کورلکه باشلیدیغندن میلوش بک نه پیاغنی شاشرمشیدی
بونک اوزرینه روسیه بک صربستانده نفوذی کتدکجه تزايد ایدوب
انکتره دولتی شو بک مسئله شرقیه جه اهمیتی اوله جغنی درک
ایتمسیه ۱۲۵۳ سنه سی اوائلنده قونسولوس و پولیتقه مأموری
صفتیله بلغراده جورج هوتج اسمنده و میرالای رتبه سنده بر ذات
تعین وارسال ایدوب مأمور مومی الیه میلوش بکک انکتره نک